

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. IV. Vtrùm obstinatè dissentiens uni articulo Fidei, credere poßit alios.

urn:nbn:de:hbz:466:1-13826

*pugnat
physicè ad actus
hæresi, &
Fides infusa.*
*sunt poten-
tia aliquid
crendi,
cum errore
contrario.*

infusi, ut ex communi Theologorum mente sa- pè dictum est, dant simpliciter posse, reddi- que subjectum in quo sunt, in actu primo potens ad actus supernaturales circa materiam, quam quicunque diversam respicit, elicendos, nempe habitus charitatis ad actus amoris, habitus Spei ad actus supernaturales Spei, habitus Fidei ad articulos Fidei propter auctoritatem divinam su- pernaturaliter credendos, & sic de ceteris: sed potentia ad credendum aliquid supernaturaliter, recte componi potest cum actuali errore con- trario; quantumvis enim neget quis Deum esse Trinum & Unum, potest nihilominus hoc my- sterium credere. Sic in naturalibus potentia in- tellectiva ad actum scientiae, & volitiva ad actum amoris circa aliquod objectum, optimè stant cum errore actuali, & odio illius objecti, ut quotidiana constat experientia.

*IV.
Sequeretur
peccatum
etiam ve-
niale hære-
sism tollere habi-
tum Fidei
infusa.*

Confirmatur: Si enim ob oppositionem phys- icam peccatum hæresis tollat habitum Fidei in- fusa, sequeretur per peccatum etiam veniale hæ- resis aut infidelitatem amitti hunc habitum, cum non minus ei physicè opponatur peccatum ve- niale hæresis, quam mortale. Sequela autem nullà ratione admitti potest, sublato namque ha- bitu infuso Fidei tolleretur gratia & charitas, ut- pote quæ in via nunquam reperiuntur sine habi- tu supernaturali Fidei; per nullum autem peccatum veniale tollitur gratia, ut apud omnes est in confessio. Solùm ergo tollitur habitus infusus Fidei per peccatum mortale hæresis, Deo cum in peccati huius pœnam subtrahente.

*V.
Objec-
tum per
cädum Dei
amitti ha-
bitum Fidei,*

Dices: Si actus hæresis cum habitu Fidei in- fusa pugnet moraliter tantum, seu demeritorie, sequitur contra dicta Sectione precedente, non per hæresim solummodo aut infidelitatem, sed per alia etiam peccata, puta odium Dei &c. amitti habitus Fidei, hoc siquidem peccatum in ratio- ne demeritorii superat peccatum hæresis. Re- spondetur pœnam duplēcē esse, essentialē, & accidentialē: argumentum itaque recte pro- bat odium Dei mereri majorem pœnam es- sentialē, seu gravius puniri in inferno, pœnam tamen hanc accidentalem, ablationem scilicet ha- bitus Fidei infusa peculiari modo meretur hæ- resis & infidelitas, pœnam peccato respondentē. Sic è contrario laureola, ut passim docent Theo- logi, non propter amorem Dei, seu actum charitatis, & maxima etiam merita, sed ob particu- lare genus operum meritoriorum, Martyrii scilicet, Virginitatis &c. beatis à Deo conferuntur.

*VI.
Facilitas ad
alios articu-
los cre-
dendos pro-
venit ab
habitu Fi-
dei acqui-
sito.*

Dices secundò: Postquam quis unum vel al- terum Fidei articulom per actum hæresis negavit, eandem facilitatem retinet credendi alios articu- los, ergo signum est illum eundem quem antea habuit Fidei infusa habitum retainere. Sed contra; hinc namque sequeretur, etiamsi quis, non uni tantum vel alteri Fidei articulo dissentiat per peccata mortalia hæresis, sed licet plurimos ne- get, adhuc non amissum iri Fidem, seu habitum illum infusum, cum etiam pœnam circa articulos, quos non negavit, sentiat facilitatem in credendo. Respondetur itaque hanc facilitatem provenire ab habitu acquisito, ab actibus naturalibus Fidei, qui una semper cum supernaturalibus elicuntur, vel ab ipsis etiam actibus Fidei supernaturalibus produc̄to, ut dixi Disp. 31. de Anima, Sectione secundâ, numero quarto: ad hoc verò insuper concurrunt species, tum rerum ipsarum, quæ sepius jam sunt creditæ, tum motivorum credi- bilitatis.

Dices tertio: Physicè repugnat ut quis simul sit fidelis & infidelis, sed peractum hæresis con- stituitur quis infidelis, per habitum infusum Fi- dei fidelis, ergo inter hæc duo datur physica re- pugnantia. Respondetur non obstare physicè quod minus quis sit fidelis sub una ratione, quatenus nimur per habitum Fidei infusa est aptus ad articulos Fidei credendos; & infidelis, qua- tenus actu articulū aliquem Fidei obstinatē negat: quemadmodum & castus quis esse potest per castitatem infusam, quam post varia admissa luxu- ria peccata, in iustificatione accipit per bapti- mun vel pœnitentiam, & tamen esse luxuriosus per habitum luxuriæ ante contractum.

Dices quartò: Potest alius Fidei acquisitâ non credere unum & nihilominus credere aliud, unum tamen vel alterum hoc modo non creden- do, non destruitur totus habitus Fidei humanæ, ergo nec divina, seu infusa. Negatur tamen consequentia, disparitas est; Fides enim humana & acquisita est divisibilis, Fides autem infusa sim- plex qualitas, & indivisibilis. Deinde objectio illa potius probaret actum hæresis & habitum Fi- dei infusa non opponi inter se physicè, sed tan- tum moraliter, modo jam declarato.

SECTIO QUARTA.

Vtrum obstinatè dissentiens uni arti-
culo Fidei, credere pos-
t alios.

*I.
Difficultaria
proposita de-
claratio.*

HACTENUS de Fidei habitualis amissione dictum est, nunc aliquid subjungendum de amissione, vel impeditione actualis. Quarimus itaque, an qui deliberatè, & pertinaciter ali- quem Fidei articulum debite sibi propositum cre- dere renuit, & obfirmato in contrarium animo persistit, possit Fidei divinâ credere reliquos. Dixi deliberatè & pertinaciter, ac sciens eum esse articulum Fidei; si enim quis ei dissentiat existi- mans invincibiliter non esse articulum Fidei, quamvis circa hunc particularem articulum, cui etiam invincibiliter disredit, habere verum actum Fidei, etiam naturalem non possit, cum eidem objecto assentire simul & dissentire ne- queat, non tamen est, quo minus credere, actu etiam supernaturali possit reliquos, qui sufficien- ter proponuntur.

*II.
Vtrum igno-
ranti cul-
pabilis unus
articulus im-
pediat Fi-
dem actu-
alem circa
reliquos.*

Queres, Utrum si quis non invincibiliter, sed ignoranti culpabiliter etiam mortaliter, ignoret aliquid esse articulum Fidei, eo quod habens suspicionem illud esse revelatum, negligit ulte- riū circa ejus revelationem inquirere; quares, inquam, Utrum obstinatè dissentiens huc Fidei articulo, possit nihilominus credere alios. Mihi probabilitas videtur, in hoc nullam esse repug- niam; hic enim, quantumvis peccare, etiam graviter queat, circa rem hanc non inquiendo, cum tamen re ipsa articulus ille non sit sufficienter propositus, non est cur per illum diffensum materialē, vel habitus Fidei ab eo tollatur, vel Fides actualis circa alios articulos impediatur, voluntas quippe ad actum Fidei requirita etiam manet, voluntas scilicet credendi Deo ali- quid revelanti, Deum autem hie & nunc ictus re- velare ignorat, quamvis id ignoret peccaminosè.

Sermo itaque in præsenti est de negatione articuli Fidei formaliter, seu de dissensi scienter habito

*VII.
Nil impedit
quo minis
quis sit fide-
lis sub una
ratione, &
infidelis sub
alii.*

*Alius est ita
Fides huma-
na & acqui-
sita, si in d
divina &
infusa.*

*III.
Vtrum igno-
ranti cul-
pabilis unus
articulus im-
pediat Fi-
dem actu-
alem circa
reliquos.*

TOM. II.

Tres de aliis hæresi circa unum articulum, & idem circa modis dicendi

habito ab articulo Fidei cognito ut tali. Tres
hac in parte sunt dicendi modi: primus est quo-
rundam recentiorum, qui hoc non ad physicam
ullam, sed moralē tantum repugnantiam re-
ducunt. Dicunt itaque eum, qui obstinatē dis-
tinetur Fidei articulo, posse quantum est ex se,
& ex naturā rei credere alios articulos; Deutu-
men, inquit, statuit auxilium gratiæ ad actum
supernaturale Fidei ei nuncquam conferre, sic-
quæ negans pertinaciter unum, credere nequit
reliquos. Suarez verò hic, Disp. 7. Sect. 4.
Lorca Disp. 33. Valentia hic, quest. 5. punct. 3.
Coninck Disp. 18. dub. 4. & alii affirmant eum,
qui pertinaciter unum Fidei articulum negat,
non posse actum supernaturale Fidei circa alios
elucere, idque ob repugnantiam physicam; aiunt
namque per actum hæresis vel infidelitatis tolli
objectum formale Fidei, auctoritatem scilicet
divinam per quamcunque regulam seu organum
traditam; qui enim, inquit, Deo per unum
organum loquenti credere recusat, non potest
ei credere loquenti per aliud. Tertius Duran-
dus in 3. Disp. 23. q. 9. num. 8. assertit, quan-
tumvis quis unum Fidei articulum, cognitum ut
talem neget, posse cum nihilominus, etiam de
lege ordinariā credere reliquos, non physicē tan-
tum, sed moraliter, cum hi actus objecta ha-
beant planè diversa.

IV.

*Quibusdam actibus hæ-
resis tollitur obiectum
formale Fi-
dei.*

Prima Conclusio: Si quis ita articulum ali-
quem à Deo revelatum neget, ut existimat Deum
falsum dicere, & fallere posse aut falli, nullum
alium articulum credere potest Fide divinā. Ra-
tio est clara: hujusmodi quippe actus hæresis tol-
lit objectum formale Fidei, veracitatem scilicet
divinam, seu summam ejus in dicendo infallibili-
tatem, unde quicquid deinceps ob Dei dictio-
nem ac revelationem credit, non actū certo &
infallibili, qualis, ut supra ostendimus, esse de-
bet actus Fidei divinæ, sed incerto & fallibili cre-
dit; talis siquidem est actus, quale est objectum
formale cui imputatur, hoc autem ipsi est incer-
tum & fallibile, cum Deum putet non esse in di-
cendo infallibilem, sed fallere posse & falli.

V.

*Negans unū
articulum, &
credere ne-
quis alium
codem modo
revelatum.*

Secunda Conclusio: Si quis Deo, vel per
privatam revelationem aliquid ei dicente, vel
per certum organum, puta Ecclesiā, loquen-
te, & articulum aliquem manifestante, articu-
lum illum negat, nullum alium articulum codem
modo revelatum ac propositum credere potest
Fide divinā, idque non moraliter tantum, utvo-
lebat prima sententia supra, numero tertio relata,
sed neque physicē. Probatur Conclusio: cum
enim in his omnibus eadem sit ratio credendi,
auctoritas feliciter divina codem modo proposita,
si unum articulum neget, signum est cum alios
non ob auctoritatem Dei, sed aliā de causā, &
ex animi levitate credere, sicque non habere ve-
rum actum Fidei Theologica.

VI.

*Unū sic
propositum
credere, &
non credere
aliud, est
virtualis
contradiccio.*

Confirmatur: Implicare siquidem videtur ut
quis unum articulum credit quia ab Ecclesiā no-
mine Dei infallibiliter credendus proponitur,
alium verò quem novit codem modo propositum
rejecere; est namque virtualis & implicita
contradiccio, ac proinde nullum credere potest,
sic enim crederet aliquid esse verum quia Ecclesiā
id auctoritate divinā docet, simulque crede-
ret aliud esse falsum, quod certò scit ab Ecclesiā
codem modo, & divinā auctoritate proponi;
hac autem ratione existimat Ecclesiā in pro-
ponendo Fidei articulos esse fallibilem & infalli-
bilem; & idem est de privatā revelatione respe-

ctu alterius private revelationis. Ob quam cat-
sam conclusione præcedente, numero quarto
dixi eum, qui unum Fidei articulum negat quia
existimat Deum in eo falso dicere, possèque
fallere & falli, nullum alium credere Fide divinā,
imè ad hoc reddi impotentem.

Nec dicas posse aliquem existimare Ecclesiā
in hoc vel illo articulo proponendo à Deo regi,
& peculiarem habere assentientiam, ac proinde
esse illius organum, non tamen in omnibus: hoc,
inquam, dici nequit, eadem enim ubique sunt
indicia infallibilitatis Ecclesiā in proponendo,
sicque si in uno articulo proponendo non habet
judicabat eam esse infallibilem, nullo fundamento
Levis &
vana Fide
non potest
esse super-
naturalis.
*Nullo fun-
damento
dicere quia
Ecclesiā in uno esse
infallibilis,
non in alio.*

Tertia Conclusio: Si tamen articuli aliqui à
diversis adaequatè organis, ut olim apud Judæos
Moyse & Christus, proponantur, nil ob-
stare videtur, quo minus posset quis unum articu-
lum credere, negans alium. Ratio Conclu-
sionis est: nulla enim in hoc est repugnantia aut
contradiccio vel formalis vel virtualis, si enim
est, maximè quia negotio unius ex illis articulis
tolleret objectum formale alterius, hoc autem
non sequitur, quantumvis namque Judæus neget
Christum, credere nihilominus potest Deum
creasse mundum, objectum quippe adaequatum
hujus actus Fidei est veracitas seu auctoritas divi-
na huic rei applicata per revelationem factam
Moysi, & per hujus sanctitatem ac miracula,
aliisque motiva credibilitatis Judæo à Moyse pro-
posita, ex hoc autem objecto, ut constat, ni-
hil in Judæo tollitur negando Christum, credere
enim etiam non potest Deum esse in dicendo in-
fallibilem, & creationem mundi esse Moysi à Deo
revelatam, & à Moyse propositam. Credere
ergo potuisse Judæus dictis Moysis, quamvis non
crederet dictis Christi; uni autem dicto Moysis
assentiri Fide divinā non potuisse, si aliud ab eo
dictum negasset, ob rationes supra pro secundâ
Conclusione allatas.

SECTIO QUINTA.

Solvuntur quedam difficultates contrà
dicta circa impedimentum Fidei
actualis per actum hæresis.

OBIICIT primò Durandus, nullam in eo
apparere repugnantiam, ut quis, et si unum
Fidei articulum neget, credit alium, etiam ab
codem organo propositum; nec enim est repug-
nantia physicā, cum illi duo actus tendant in di-
versa objecta, & plane disparata; neque etiam
est repugnantia moralis, seu ex decreto & ordi-
natione Dei statutis non dare auxilium, seu
concursum supernaturale ad alium articulum
credendum ei qui negavit unum, nullibet enim de
tali decreto constat, immo contrarium potius ex
Scripturā & Patribus, ipsaque etiam experientia
constare

I.
*Objicetur.
Nullam in
hoc esse re-
pugnantiam,
neque physi-
cam, neque
moralam.*